

頤
道
堂
詩
選

頤道堂詩選卷五

錢塘 陳文述 退庵

古今體詩

寓橫街查氏者三載古雲襲伯移居太平湖下榻相
招辭之不獲畱別游餘比部

旅食京華自古難多君高誼重長安三冬膏火堪供讀萬
卷圖書許借看蓬徑掃門勞蔣誦檀橋築館感劉巖太平
湖上如珪月回首重闌話夜闌

題孫文靖公百一山房遺集竝贈令孫古雲襲伯

仁和相國天人姿卓然名世之羽儀歟歷中外總文武傳
家百軸珍遺詩公生之年歲在子弱冠讀經兼讀史一領

青衫四十年攬鏡須眉已如此古來大器多晚成天心鄔
重非不平坎軻慙盡經濟出肯與年少爭功名絕地通天
一枝筆潤色丹青工畫日行幄奏賦聲摩空帝顧從臣
此第一鳳池紅藥春風香樞庭棗筆隨駕行長從翠華
慙紫塞馬上起草聲琅琅本朝威德遐方異月竄星源
歸郡縣南荒小醜逆顏行六詔風煙夜傳箭桓桓上相忠
勇公平蠻復歸滇池銅前籌借箸問奇計軍諮祭酒時能
同一劒摩挲長在手生便成功死不朽豈知從此際風雲
領取方州十年後八州作怪聲華崇璽書褒美恩眷
隆中間解組入東觀似爲補闕酬其忠南交功屈垂成地
歸國辱王天所棄耿耿沉憂聖主知經年重荷封疆寄

流沙西去古析支蠻爭觸關方交持王師六月出青海太
白睽睽天王旗椎牛饗士兵威壯萬夫轉粟青天上丹達
山頭雪作城烏蘇江外雲連帳馴象來歸已宴然更因畱
後駐窮邊遊經絕徼初開地吟徧中華以外天藏江東渡
勞方定戢嵎山色添吟興撤戍懸知兩部平伏戎又見三
苗橫兩境苗頑勿卽工秀山重整舊軍容不教烽火驚巴
峽爲有韋皋在蜀中花門甫靖逆妖起摩牙徧地奔狼豕
連星夜動五諸侯紛紛戰血江流紫來鳳移兵仗節旄擒
渠掃穴陣雲高得公終始紆籌策應省天兵十載勞無端
小劫披猖始秦關蜀棧紛軍壘馬援猶堪一據鞍廉頗已
覺三遺矢玉帳光寒慙馬驚龍潭夜隕大星明 至尊覽

表天容戚再啟崇封錫令名公年晚始辭丹壑公名早已
登黃閣半生萬里事邊陲十年五度開戎幕經世文章奏
議多論兵慷慨盡山河豪吟間出飛書暇墨汁淋漓盾鼻
磨惟公生際 純皇帝一德君臣魚水契賢相勳名國史
書勞臣忠愍 天心憶橫草功名我所思從軍辛苦問誰

知天生橋下沉淵目騰越州前斷懷時

公從征緬過天生橋前馬墜已濡

足矣忽躍登岸又在緬界斷餉三日同官家奴有繫馬牌
于釜者公過嘆之適奴覓藉自後至不知公也拔刃揮已
及頸矣適同官自帳後急止之惜公少作南傳少幸得休

幸而無恙同官卽劉公乘居也 文祕殘藥東行有客訪遺編歸來趙璧連城寶

公少作早失之有鳥

程沈君德秀藏其副本今年令孫古雲屬其戚就中最惜
邵君復徬訪聞沈客山左走濟南求得之以歸

粵南詩銅柱珠江絕妙詞一自西征埋斷帙人間殘墨情

烏絲

公粵中諸詩案爲門生周肖濂
失于西藏丹達山雪中見本集

文孫克荷韋平業黼

黻珪璋榮奕葉列第仍依西上門留賓屢下南州榻我客

燕臺又幾秋看花頻過 賜書樓近從雲繪西園住宦蹟

親題羨壯遊

古雲屬余爲
公宦蹟圖贊

世間晚達人誰某如公卓犖應

無偶慨我中年百不成青天難問空搔首煙水江湖夢故

鄉後人述德有輝光 御碑矗最祠堂樹天馬山高自夕

陽

公墓在武
休天馬山

擬唐人玉妃畫樓詩四首

丹鳳城南起畫樓宮花香擁曲瓊鉤祇今但見珠簾下當

日曾聞翠輦遊攬鏡夜寒青海月望鄉魂斷玉關秋可致

恩寵闕氏貴不解金微故國愁

頤道堂詩選卷五

萬里河源洗劫灰香車遙度玉人來十眉螺黛天山掃雙
臉臙脂北地開宮殿幾番銅雀瓦家鄉何處白龍堆雁門
關外昭君塚一樣蒼涼遠嫁哀

華清春暖洗凝脂從獵長楊又一時虎圍當熊臨玉檻驪
山走馬掩珠旗靈臺埋玉悲鉤弋弱水揮鞭哭盛姬不遇
秋笳舊詞客何人爲補浚稽辭

夢斷昭陽翠袖憑梁恩塵暗第三層更無歌舞唐天寶虛
說神仙漢茂陵春燕歸來花似雪夜烏啼處月如冰武皇
內傳分明在翠冷香銷百感增

北齊天保八年九年重修銅雀臺石臺門銘字拓本

和翁覃溪光祿作

翁覃溪光祿見貽拓本云大齊天保八年九年造
銅雀臺石牽之門百代之後見此銘者當復知之
後上列題名云將陳驥丞婁師軍主董侯下列云
軍副程顯幢主孫悅幢主楊憬光祿題詩並系考
云北齊天寶七年廣修三臺至九年竣故此云八
年九年後三行人名猶存古刻先上列後下列之
式余考銅雀金虎二臺作於魏冰井臺作於石虎
非直登覽兼屯軍戍故三臺之固攻三臺屢見於
晉書載紀及北史齊燕各紀而此兼列軍主幢主
之名又云百代之後見此銘者當復知之則另當
有銘文此石猶未全也

鄴中三臺誰所造前者曹魏後石趙北齊都鄴復重修殘
謁書年紀天保吾聞建安中年起銅雀更越四年金虎作
季龍復起冰井臺渠引白溝漳水鑿三臺之壯古所無銅
駝屹立飛廉趨飛橋跨河惜未就不爾規制凌當塗三臺
之固鄴都重南北紛爭頻用衆石家修後又高家銅雀飛
來變金鳳蘇齋貽我拓本明丁丑戊寅援据精想見當日
宋儼武軍主幢主同書名七年始修九年畢歲月異同符
史籍我惜銘詞尙未全何處深埋土花碧光祿作詩有高
格讀史河邊弔戟鏐銅雀之瓦不可得珍此韓陵一片石

原作

翁方綱

高家丁丑到戊寅銅雀臺造石叅門千二百年片石出

拭苔弔古漳河濱安陽趙令王學使後先拓其蘇齋論
此臺雖自建安造應劉七子無雄文何耶孫見審銘字
馬子石室謠誰開此銘乃計百代後軍主幢主名猶存
爾時石書用石墨書兼隸楷仍隸分鐫鑿凹凸古所笑
遺刻那亦隋與陳文深仲瑤覓不得我方日辨歐虞眞
大河迢迢水花綠爲我杜銘洗薛純天保八年丁丑卽
年戎寅卽永興生之年也愚於中州金石所
欲渴以得者薛書砥柱銘也故詩末及之
春夜絳雪書堂聽雨用太白玉眞公主別館苦雨贈

衛尉張卿韻

繁雨勢猶撼屯雲鬱未開雲隨鳳城合雨自華林來欲湖
陌槐潤殘瀾宮蓮催遊頭話芳譙婪尾注行杯白紵綳等

曲絳蠟銅槩灰班張兩都賦應劉七子才金張盡如此覽
古不須哀

和張船山太史

問陶

寶雞驛題壁詩十八首用原韻

蜀棧秦關久太平羽書飛鳥決雲輕穴潛青犢妖氛起峽
束黃牛駭浪生壯士隴頭爭保砦將軍霸上久連營偶因
驛壁傳鈔句諸將論功憶此行

孫武兵鈴膽氣粗又看銅虎下軍符早聞新息傳殊賞見
說當陽本宿儒節相官階當代重書生遭際古來無如何
鳳嶺登高日將未成功骨已枯

軍需屢耗水衡錢饒吹歌聲尙杳然笛裏荆榛千帳月夢
中砧杵萬家煙舊從雪嶺收香篆老向雲安聽杜鵑誰似

司空操勝算兩川烽火又經年

當年美諾奠花門又向荆襄擁列屯都統便思持漢節指
揮未肯聽朝恩風雲論戰投碁局雨雪談兵罷酒尊聞道
禁中數頗收天南一望總消魂

太息中原此鳳麟勞臣辛苦肯謀身徧剛義勇增兵力勸
佐軍儲濟國貧循吏聲名能卻賊卑官心事在安民傳修
期與劉公幹已覺同時少替人

叔子高名鎮一州輕裘緩帶識君侯平蠻空憶銘銅柱破
敵何當縱火牛絲竹謝安閒別墅琴尊庾亮譙高秋幕中
多少清流在漆室頻年結隱憂

指揮如意落明珠威被華戎世所無唐代功臣此褒鄂商

家宰相有伊巫東溟掃穴魚龍伏西域安邊士馬粗異姓
眞王空拜得淩涼丹旄返皇都

笑手薰天焰不消一門雙節相公騎綸扉位冠三公上驃
騎軍行萬里遙奏牘每從私室定軍書頗就夜燈燒早朝
正報平安火輭繡天街路一條

楚江西接蜀江寬白帝城高憶永安但使防邊諸將在不
須憑軾兩軍觀板輿督戰談何易羽扇臨戎事本難可惜
材官好身手軍鋒虛遜十營團

勒石誰傳詛楚文將門畢竟解行軍金川忠節前勛重玉
壘聲名海內聞青弋江波終古險陸渾山大幾回焚弟兄
許國同威望劍氣摩天掃陣雲

漢家龍額出龍荒親歷變平百戰場
唱罷普黎收虎豹歌
中勅勒見牛羊索倫馬射軍鋒健
蒙古駐裝戰氣揚參贊
威名亦人傑櫓槍夜夜看星鉞

朝局紛紜有異同爰書反覆兩元戎
共提龍武營中士誰
建麒麟閣上功魚復陣奇兵早撤
蠶叢路險賊能通
閩中舊記鋤奸吏應有遺民惜此公

報仇呂姥禍初胎趨雪燕支一騎來
善戰襄仙同詭譎從
軍么妹費疑猜風花捲地金戈壯
雲雨掀天玉帳開
太息白蓮花絕世可憐蛾賊盡庸才

帝命詞臣出石渠文章人說似陳徐
甘羅乃祖名原重
王剪孤孫志有餘白馬羽林空跼蹐
紅羊劫火任吹嘘
皇

仁默輓

天心轉蟣蟲遊魂易掃除

從來勦撫要兼施全局辛勞賴總持北極展開恩詔下

西征何事捷書遲親賢次第從人論功罪分明在自爲最是中朝王相國憂勤心事九重知

形勢東南重此州烽煙紅照岳陽樓雲龍變態偏裨喜風鶴驚心士女愁處處帆檣艱餉運家家壁壘見戈矛黃初吳質原名士鄂渚江山作壯遊

昆明漸漸息寒灰禁旅更番奏凱回天漢洗兵眞浩蕩山林伏莽尙驚猜所期秦蜀無軍壘應識甘涼出將才朱序花卿都死國昭忠祠裏幾人來

官柳迢迢驛路長天戈計日掃封狼賈生太息思長策杜

老悲歌憶故鄉但逸賢良清吏治兼期飛輓富神倉更憐
一掬憂時淚封事洪璫最擅場

雲繪閣春夜對月

闌影澄秋氣林光帶夜煙月來花滿地雲起水浮天蓬響
邀三弄琴心靜七絃懷人寄清詠巾幗不成眠

次夕就月置酒

碧樹凝春煙微風吹未歇照見花外影猶是昨待月移罍
就月飲月華沁肌骨花光滌欲無餘聲動清越夜色明樓
臺秋聲出林樾長安十萬家幾人清興發門外卽天街疎
星耿華闕

漢趙昭儀金釭詩

班固西都賦云金鉅銜璧是謂列錢何晏景福殿賦云落帶金鉅此焉二等漢書外戚傳飛燕女弟璧帶往往爲黃金鉅前藍田璧今窗櫺中間飾或其遺製中丞師得漢銅圓器一其陰面平陽面橢橢者作蛟螭紋古壁徑五寸以漢尺度之適符其制因定爲昭陽舍中物竝琢和闐玉爲璧兩之遣使者賁至都下屬作此詩

漢家宮闕春如掃延陵夜冷魚燈小已聞玉印暈桃花又見金鉅出芳草一握青苔繡土花西京雜事記鴻嘉祕書畱得伶玄傳姊妹承恩說趙家趙家合德同安主陽阿竝學纖腰舞鳳輦親迎下竹來鴛殿當時勞省簿豐容穠粹

體生香始信溫柔別有鄉國色從來金作屋帝恩特爲起
昭陽昭陽近傍增城建翠羽明珠飾春殿帶壁圓規定幾
何繁華當日知親見初入深宮拜婕妤嬈來妝好薄施朱
畫褰自學畱仙謂金枕新妝照夜珠後宮特進昭儀號當
夕惟知遵姊召調護深勞便殿焚遠憂竹信披香渚別館
新開近遠條少嬪題冊貯嬌嬈舟因送遠瀛洲起門爲通
仙輦路遙浴蘭別有凝缸室豆蔻湯溫蘊香溢紅玉嬌酣
絳雪酥隔幃冒惜黃金鑑缸乎宛轉約如環二等琳琅數
列錢芳苳明鑑知其照芙蓉寶鏡定同圓金鑰歲華鏤深
閣綠熊席暖龍香合銜得君恩白壁深不羨中宮萬年蛤
長信深宮碧草滋紅羅綵繡空墀班姬團扇明如月曾

見金釭初鑄時鑄成定照嬋娟影椒壁蘭牕輝藻井畫堂
甲觀又秋風一夜紅凋玉階冷石華消碧額消黃露冷蓮
房太液荒畱得故宮遺飾在一雙春燕弔倉琅

雲繪園消夏雜詠

樹頂涼煙綠蜂聲聚早衙園丁侵早起和雨掃槐花
竟日瀟瀟雨虛堂暑易消涼雲如水綠窗外有芭蕉
疎花背人開小紅試秋色蟬聲曳殘絲滿地午陰直
胸中萬邱壑眼前惟此君偶從團扇上看寫敬亭雲
白羽蓮花箭日長聊自娛銅蠶聲乍響玉女學投壺
煩暑忽然灑水風吹滿庭晚來應小雨接翅下蜻蜒
密樹暗無影草根鳴露蟲一聲飛玉蘂涼月上疎桐

謝素人

仰面青天遠夜烏啼早秋銀河花外轉時有一星流

輓楊荔裳方伯兼唁令見蓉裳農部

祭酒軍諮舊有名當陽儒將解談兵精通風角河魁略遠
過蓬婆滴博城蠻部謳思比諸葛益州畫像重方平遺詩
忍讀桐花館雲棧迢迢萬里橫

西藏江流曲抱弓韞城冰棧遠從戎漢家拓地河源外唐
代求經竺國中青海夜寒烽絕塞玉關春斷磧連空才人
誰似蘭臺令手勒天山第一功

消息傳來不可聽江關哀動子山銘秋霜憔悴凋馮樹春
草淒涼泣謝庭光掩星辰天漠漠魂歸風雨夜冥冥招魂
愁絕蓉湖客西望峩岷萬疊青

千羣青嶺阻花鬟萬里蠶叢寄一棺
燕寢塵封新畫戟龍城花落舊軍壇
人來早說嚴公病我意方憂蜀道難
問道巴江秋漲穩全家歸舫祝平安

雨後見月

滅燭聽殘雨梧桐滿院陰
須臾明月上宛轉白雲深
江海孤舟笛關山昨夜砧
年年照秋夢萬感託題襟

鄢鴻臚畫鄭湛若抱琴像

天荒地老心不平紙上颯颯疑有聲
抱琴獨立者誰子乃是前朝南海之
廊生生也少年不得意西窗螢天聊避
地寶刀豔雪筆生花人識雲巖舊書記
蝶繡之衣紫鳳裘濃香萬疊芙蓉愁
譚兵主帳坐前席翩翩似爾真風流
銅柱

高寒夢難越瘴墨如雲砭肌骨空山披髮叫虞舜獨上秦
城弄明月灘山高高湘水深楓林雨黑愁人心綠珠玉簫
土花蝕伏波銅鼓莓苔侵天風浩蕩秋聲起秋聲在心不
在指彈到山崩海裂時孝鶴夜哭蒼鵠死我聞生也蓄琴
本有二蛇腹深鑄古皇字十五好女同席掌寶帳紅芙一
雙膩其一南風出南宋金碧湖山冷秋夢六宮花影上樓
船海門風雨崖山慟其一綠綺臺纏以朱絃絲製年尙紀
唐武德乃是康陵御府之所遺蒼梧雲暗海棠泣乾坤慘
澹將安之囊住龍腰人不識畫裏風姿烏帽側愁說金刀
擊柱時冰絃血染桃花色噫嘻乎悲哉側身南望浮雲開
懷沙一賦靈均哀三十二隄水鳴咽招魂愁過靈渠臺明

福洞天杳難見焚香欲採芳蘭薦茫茫何處錦衣家夢斷
人間廣陵散

送邵夢餘大令無恙歸山陰

落葉如鴉急春明又送君功名銷短鬢身世感浮雲瓊島
秋偏早金臺日易曛離亭萬行柳風笛不堪聞

天涯逢骨肉百感夜燈前雨雪三千里風塵二十年燕尋
泥壘宿花對月輪圓嬌女牽衣送惟應一惘然

渤海譚詩處燈紅舊草堂雁聲催畫壁鷗夢託漁莊有客
依滄海全家避故鄉相逢勞問訊別緒滿斜陽

故山空自好惜少在山時失意書千卷勞生酒一卮繁花
梅尉宅新月柳姑祠清絕耶溪水長吟我所思

太平湖上雨中晚歸

潯水東西接玉河，樓鴉蕭瑟點寒波。
門前便是宮槐陌，秋雨瀟瀟落葉多。

孫建威宅詠番婢藏奴

巍巍金虎第，赫赫銅龍門。
論功賜生口，有婢曰阿潘。
遠自美諾來，家在金江源。
厥夫爲酋長，抗拒連諸番。
戰血膏野草，殘骨埋荒屯。
妻孥免駢戮，出自天地恩。
話到破碣事，殘夢悲心魂。
至今青衣上，長有涕淚痕。

文靖昔征藏，西域開壁壘。
刀邊每活人，稔此尙髭鬚。
參養從諸奴，呼之以翟喜。
衣食二十載，奔走備驅使。
迢迢丹達山，渺渺藏江水。
故鄉不可見，落日二萬里。
父母姓氏昧，何

從問生死鞭笞莫輕加哀此遠人子

長安秋夜

斜月鳳樓陰明河接上林風疎滿城柝秋響萬家砧早雁
征人感流螢永巷心更闌誰擲遙涼夢一燈深

李靖舞劍臺歌

高臺三成石骨裂陰崖盤空色積鐵將軍武讎何年來拔
劍四顧青天開有唐開國三百年衛公定比英公賢少年
有人識王佐越公拊牀甘讓坐太原公子人中龍仗劍歸
命眞英雄公祔走死蕭銑縛劍鋒一決羣雄伏頽利帳部
紛烽煙劍血未淨還憂邊淨掃龍庭搜虎穴一劍橫磨青
海雪功成凱唱三軍歸天山按劍揚天威登高慷慨忽起

舞劍光如龍復如虎摩崖大字何年筆使筆如劍劍氣出
君不見空山夜叩龍母宮天瓢行雨霖霖中又不見一妹
天人容下拜蚪髯去矣扶桑外諸皋記載知有無豈知天
授精孫吳黃金臺圯此臺直更有秦王瞭甲石

曉過金鼇玉螭望瀛臺殘雪

觚稜寒色隱翠恩正是瀛臺雪盡時碧瓦紅闌都罨靄瑤
林玉樹總參差屏間花落瓊華島鏡裏冰銷太液池院體
丹青新粉本風流誰似馬和之

長安晚春

長安城頭啼早鴉長安城中飛落花落花飛入繡簾裏美
人殘夢驚初起畫樓楊柳嬌向人夢中尚憶江南春正是

江南好時節門外漾波深一尺

出阜城門

十里長河繞苑牆高粱橋畔柳成行西山一夕濛濛雨洗
得綠陰如水涼

宮人斜是前明叢葬宮人之所在阜成門外慈惠寺

西北

土花暈碧苔花紫白楊慘澹悲風裏幾年塔井葬嬋娟一
片香魂呼不起陵谷遷移怨未銷居人指點說前朝六宮
銅輦埋長恨一代紅顏賦大招憶從丹詔選良家御筆親
封繫臂紗百子門前人似玉九龍池畔影如花花嬌玉豔
啼悽咽紅淚盡冰成訣絕方期麗色重門稍豈知薄命銷

顏色東望承乾西翊坤玉顏多少總承恩離宮清暑冰紈
豔暖閣焚香翠被溫儘有容華矜絕代瓊樹芳姿絳仙黛
無分黃金買畫師牙牌甘列宮鴉隊分隸中宮與兩宮年
年看老禁花紅宸脾慣驗銅壺漏甲帳頻聽玉殿鐘弓影
娉婷烏帽側香案前頭曾侍直玉滴寒研銅雀冰紫羅暖
裏香羅筆君王好道慕神丹宰相青詞午夜看爲像天神
衣繡甲更隨玉女禮瑤壇煥華別殿霽經蠶連環錫振凌
波步一炷胡香禮九蓮黃花開落菩提樹奉御深宮幾度
忙雞缸春酒鳴爐香玉芝門啓花如雪金海橋迴月似霜
月夜花晨常供奉西苑南臺舊陪從煙火誰從貂帳看雨
雲空向蠶宮夢夢裏春遊樂事多西宮春暖正笙歌鐘聲

抵死催人醒斜倚熏籠喚奈何內家更有提鈴罰羅襪宵
寒玉階滑太平聲繞苑牆行五更風雨三更月亦有當年
選侍人翠鈿珠樹受恩身金鑲不免蛾眉妬花落空房有
淚痕顚顚芳華易銷歇玉魚露冷春雲熱一樣深宮奉至
尊飛花墮澗誰憐惜病不禁秋損玉肌香消古刺斷魂飛
長庚門啓宮車出無復珠簾看水嬉兒停犀釘易褰朽玉
匣珠襦復何有年年寒食泣東風一杯來附中官酒春來
宿草長紅心玉瘞花蕕不可尋悽絕詞人語嗚咽長門更
比墓門深明徐釐舉宮人針句黃土如雲築邱壘一生未得君王寵
爭及霜眉御榻貓山陰特起蚍蜉家塔甄零落夕陽睜蕭
寺荒寒冷佛燈憑弔玉鈎還悵望昌平風雨十三陵

豐臺看芍藥

鳳城楊柳影迢迢來訪城西舊草橋
花氣隔林香欲語碧痕滿地雨初消
饒春朋舊天涯遠修禊園林往事遙
記取豐臺臺畔路青衫有客正無聊

禮烈親王克勤馬圖歌

闔門一綫開鴻濛黑龍江水龍所宮
房星出地照東海神駒天矯如神龍
惟王大勇真英雄佐命手挂扶桑弓
人間凡馬控不得河西萬騎空花髮
渥洼龍種再出世天遣佐王成大功
雙瞳夾鏡四蹄鐵入陣如飛猛無敵
滿身花片燕支紅疑是當年戰場血
人是天人馬天馬眼底紛紛總居下
古來開國天潢親功名誰是如王者
王歸天上馬亦

死似爲生平感知已卽今神駿畫中看蕭蕭萬里風沙起
遼瀋開基啓壯圖文皇功烈古今無兩龍蹠躩黃池王
更寫昭陵石馬圖

謝家石琴見寄鏡

君從珠海邊寄我一明月中有萬古心照之光不滅

芙蓉山館與張子白大令夜話

天街霜重漏初沉別緒蒼蒼對酒傾紫闥明曉秋出塞青
燈玉帳夜譚兵春江桃葉三生夢老屋梅花萬里情一卷
新詩抵冰雪橫吹鐵篴入邊聲

闌珊我亦適中年逝水春華祇惘然屬國蒲桃名士酒空
山香草美人禪銷魂詩有同心讀落魄名猶萬口傳詩到

升沉各迴首離離星斗白橫天

題洪稚存太史亮吉西城詩後

毘陵太史文章伯勁骨稜稜勵忠赤萬里歸來一卷詩龍
沙絕域生顏色本朝絕域數伊犁遠過安西更向西路
入鞏湖知地曠人經沙磧覺天低青天蕩蕩圓如蓋天山
高出青天外驛騎宵催冰棧開征車晝誤流沙派茫茫水
勢盡西流瀚海金笳咽暮秋從古詞人行未到山川寂寞
海西頭先生才望星辰耀生平大節期忠孝一疏平苗海
內傳朝陽鳴鳳誰同調恭值重華泣政初春明重直侍
臣廬沉憂願上千秋鑑慷慨分投三府書玉堂豈是烏臺
比當局有人持國體況茲愆直過淮陽小臣狂易難逃死

聖度如天法網寬 累朝家法赦言官荷戈萬里投荒
去雨雪迢迢出玉關玉關西去金微路防邊最重三秋戍
疏勒泉源飲馬來燉煌縣舍傳餐去郵程到此始稱奇戈
壁蕭條候雁稀列屯近聯沙雅爾雄邊遙控鄂羅斯庫車
關展都經歷出險猶堪動心魄短衣長劒拜將軍姓名也
入流人冊此地從來遷客多酒邊往往起悲歌寒花雲暗
烏蘭道落葉霜飛木壘河斯人意氣真無敵絕塞荒涼等
門闕手種梅花作墓田死當埋我渾河側暇日圖書證馬
班輿經地志手親刪探來星宿原通海釋到昆侖始竟山
一腔長抱孤臣血魏闕三天忘不得玉帳殘鐙夢早朝夜
闌難免嗚嗚泣豈知 聖主鑒孤忠不在交章請赦中都

護無端請專戮。天書火急勅毋庸。九重旋下金雞詔。
放歸好待他年召。此際臣心痛更深。百日生還豈能料。
樂府刀鐙舊有名。兩行紅柳是歸程。再經雪窖荒寒路。
重聽冰山絲竹聲。我意翻嫌歸太速。域外奇蹤探未足。
溫都銅柱失堯年。博望殘碑迷漢躡。別酒蒲桃一斛涼。
蘭陵風味憶家鄉。愴懷慈母傳經處。風雪依然舊草堂。
更生自感君恩曠。歸來仍設扶風帳。殷勤名節勗生徒。
他年砥柱中流障。我初識面記京華。旋見倉皇走傳車。
遠道歸來曾再見。江南春雪正飛花。今年快讀新編好。
東坡海外文章老。祇有楊家衛藏詩。謂荔裳方伯琅嬛祕軸應同寶。
謠言當日最鍾錚。諫草還聞列御屏。楚國已聞歸賈傅。
漢廷還恐召

班生

贈查梅史

揆

冰雪梅花外，翛然見此人。中年成著述，逸氣出風塵。論待他年定，交憐我輩真。一鐙商出處，各自爲衰親。

雙塔寺井弔明殉節工部尙書東閣大學士謚文貞

國朝 賜謚文忠范公

景文

臣節雙塔高，臣心古井深。井中之水不可汲，云是忠臣舊時血。忠臣者誰？范景文。一生孤直，惟有君出。理戎政，入機務，九門已散，國營軍。當時莫悔南遷議，帶甲紛紛滿天地。廟中草疏復拜闕，此身殉國非殉帝。謂帝已出，臣未從。豈知已駕軒皇龍地下，相逢定一哭。烈皇之烈，忠臣忠古寺。

蕭條白楊暮素縵寒泉弔行路遺書几上論南都同時更

有倪元璐

元璐諡文正臨死書几上曰南都尙可爲死吾分也

文信國祠弔明殉節兵部尙書左都御史諡忠文

國朝 賜諡忠文李公

邦華

嗚呼前明崇禎之季李忠文不異正統以後于忠肅初鎮
津門士馬奮繼總京營規制復思陵倚畀始終若景泰畿
輔應堪振殘局奈何奄黨刺骨勦臣忌甘令蛾眉肆謠詠
屢起屢黜悲掣肘大厦不容支一本南都監國奉太子故
事先朝仿永樂二王分封資翊衛寧國太平勢聯屬當日
此議如竟行靈武中興或可卜豈知天心已厭王氣盡祇
令忠臣疚心曲君死社稷志已定臣死國難願亦足宋代

忠臣文信國勁節丹心史所錄遺廟森嚴殉節地燕市塵
 沙慘心目九原可作氣慷慨三揖相見神肅穆忠孝大節
 生不渝聖賢為徒死不辱遺詩畱作正氣歌輝映星辰匹
 河嶽公入信國祠三揖曰非華死國難請從先生於九京
 廉渝臨危授命兮吾無愧吾送投縶殉節也他年合祀頌三仁旌忠祠宇同尸
 親于忠肅祠在東城依借胡同距信國祠里許

西直門弔明殉節太常少卿諡忠節 國朝 賜諡

貞肅吳公 麟徵

嗚呼思陵末造國事大可哀一誤南遷監國之議不早用
 再誤撤兵守關之謀倘見猜當日太常昌言獨贊此寧遠
 眾集或緩烽煙災不然同心固守不使城門開城門不開

賊不入勤王可待援兵集天生李晟爲社稷國事安危判
呼吸同仇空有王家彥家彥守門禦肘偏逢魏藻德一門雖
閉八門啓九廟神靈天雨泣夢中詩讖零丁洋河山破碎
人云亡重過當日守門處英風颯颯生池隍

小園步月

青苔被霜紅蘭溼露深夜無人涼影在樹青天四開碧雲
何處月隨人來還照人去今月非新昨月非故中有化機
惺然可悟

題朝鮮使臣樸齊家貞蕤稿略

能達藩侯朔戴誠雁程來往片雲輕中朝人物都相識東
國聲詩舊擅名鴨綠江寒秋水闊龍灣館近月華明卷中

寄雅真堪肆四牡皇華過一生

葛略爲家仲
魚微士所刊

送嚴麗生赴蜀卽題其海雲堂集

大江從西來東走八千里青天闢海門金焦兀然起江山
元氣生精靈奇才今見嚴麗生門前江水初入海足蹟乃
向峨岷行峨岷江發源左右控秦楚頻年方用兵百戰陣
雲苦君家大夫今韋皋河魁玉帳森銀刀君行慣向賊中
去馬上矯捷如飛猱去年來京師把臂各傾倒明明秋月
心朗然照懷抱酒酣示我一尺詩萬里陰霾一時掃詩壇
闢將何縱橫橫行真似常開平畱侯狀如婦人耳腹中乃
有十萬兵長安城頭啼早鴉東風無聲吹落花大江日夜
流不息浮雲飄忽成天涯餞爾春明一杯酒蓬聲吹折盧

溝柳此手古今無幾人去問成都浣花叟

七夕同張鹿樵中翰昆明湖對月

夜山如夢澹生煙遠水無波月上絃銀漢欲流星漸轉
昆明湖上早秋天

玉泉山訪金章宗芙蓉殿遺址

青山如畫晴雲變玉泉春水流花片金源此地有離宮殘
基人說芙蓉殿霧閣雲窗四面懸玉堊高壓翠微巔華嚴
古洞通仙路尙憶明昌避暑年道陵繼體規模振授受親
承小堯舜徧覽宮中輿地圖金蓮川上聞遺訓萬方無事
樂清遊八院香林起畫樓春山秋水年年幸觀稼看花處
處周中都宮闕稱閎麗經營不獨蕭家置玉華別觀署西

涼瓊林上苑連東翠盤山迢遞接香山多少珠簾曉翠寒
會景樓前金屈戌臨漪亭上玉闌干此地當年盛樓閣夜
半天風語檐鐸不羨西華潭畔花芙蓉朶朶晴空落白石
千盤翠嶂中唐家空說九成宮祭星臺下遲黃幄一路輕
陰護駕松路轉峯迴隔蒼嶽古苔繡壁森重甌妝臺恩寵
李元妃當年或者曾同輦釣魚潭雀最風流領取清涼一
度遊璧月滿庭天似水銀河捲幔夜如秋朔南假軼中原
治野史編年說遺事御史頗陳諫獵書儒生屢上籌邊議
姚邨近蒲州遙頻歲巡方敢憚勞望雨更祈北嶽勸
農親自出東郊萬幾有暇耽文翰購取遺書陳玉案金盞
灑墨亦揮毫六字題樓虹氣貫五雲金碧寫烏絲曾賦東

鳳絕妙詞更有中州遺集在泰和五月牡丹詩艱難王業
思繩武蜀淵放宮女魚藻春和宴百官鹿園秋老綏
諸部石聖臺高集鳳皇史臣簪筆紀禎祥綏藩橫賜高麗
使納款新封蜀國王瑤光罷起凌雲構萬歲聲中祝天壽
年年此地翠華來輦路不教黃土覆後人失計意如何次
第南遷阻汴河花石蒼涼悲良獄分明覆轍學宣和崖空
駐蹕秋風冷茶樓石柱埋殘梗祇有山前裂帛湖當年曾
照樓臺影依舊西山作畫屏鳳笙無復倚樓聽千尋古栝
何年植尙與芙蓉一樣青

聖駕東巡 盛京恭謁 祖陵詩十六首

帝期歲值丑王月斗指申靈臺旣偃伯屬國咸來賓玉燭

道光照璣鏡瑞牒珍弗祿綏有被曼壽周無垠續祖篤
孝德憲考隆天親漢儀省豐沛周狩歷岐陶泰先祀
前殿大誥頒溫綸辰駕警蹕路甲仗明鉤陳金精翼紫輶
喬采扶搖輪載筆史臣紀愷澤敷虞巡

右啓蹕第一

涿野紀黃靈丹陵濶伊唐石紐肇文禹塲宮宅成湯不咸
鎮神皋列聖所發祥天瑞毓靈草地寶星珠囊舊邦始
赫圖新命基遼陽化行俗自厚風醇道益昌文教禮樂茂
武略弓矢張輿區富漁畋上服被農桑雅齒豐孝弟耆年
樂壽康衢歌忘帝力皞皞元化長

右觀俗第二

萬雉啓重關六龍馭遙甸朝暉海色澄夕靄嵐氣變三江
導琁源千山立瑤巖扶餘舊基擴沃沮新阡薦河流琿春
暄邊門靈陽見鳳皇翥金城鴛鴦匯碧淀岫巖望峻嶒英
表隱蔥蒨鷲墩今迎鸞烏亭昔傳箭陪京與黃圖留都雄
赤縣五緯汁金策瀛垓肇清宴

右攬勝第三

白山拱帝宅黑水開皇都少典實造夏昌意爰啓虞巍巍
四祖聖功業昊緯符異稟應璇鈴靈蹟規河圖二族懽
契箭五城衛宸居棟燈檠儉德鹿椅昭前模作室竹堂構
康田勤菑畚秩祀崇啓運地靈鍾坤輿嘉樹蔭寶城春華
敷瑞榆世德遠作求興京禮神區

右謁 永陵第四

樞電華清祥星虹姚墟瑞蒼靈啓景運篤生 高皇帝一
人表智勇萬國仰聰睿桓桓十三甲天戈蕩星孛五臣表
王佐八旗偉國器四征綏九部一戎定三衛棟鄂旣首服
葉赫亦踵至諫本達民情國書製文字近繞渾河流遠挹
輝山翠天柱拱珠邱萬年卜昌熾

右謁 福陵第五

日角仰皇儀天表肅帝容大烈配周京盛業超唐宗三院
治文德二師成武功四史譯古訓六官亮天上撫降宴來
歸敦耕慶屢豐金神福祐集玉璽嘉祥鍾恩碑平壤勒吉
夢中宵通朝儀酌典禮世傳綱勛庸威孤登五虎石馬來

雙龍九萬松柏美哉 帝業隆

右謁 昭陵第六

南郊祀園丘北郊祀方澤明禋重燔瘞大禮載經籍盛京
龍興地拓基肇皇蹟紫氣鬱崇壇備物訂琮璫 列祖隆
配享兩大儷功德儀曜竝就位嶽瀆咸率職 天子東巡
狩祀典稽方策下際吉土深上蟠瑞煙直道合天神饗德
馨地祇格精寧美合撰奕世守維則

右祭天地壇第七

羣山宗北鎮萬靈肅東陲璆檢錫祇號寶籙森崇祠 宸
翰麗天藻雲龍承穹碑喬翕翼河嶽 聖德天無私屬車
所經莅次第成禮之望祀典其基重遣祭禮亦宜文昌六星

貫景祐三靈垂升香達玉氣高燦明金枝秦郊邁雍時漢
代殊汾雕懷柔及百神景照昭蕃釐

右羣祀第八

層樓丹鳳翔華瀾銅龍曙風沉長樂鐘月曉新豐樹兩階
映珠旗充庭陳玉輅仙仗擁祥雲御氣縹香霧觴饒糾禮
儀棨樹奏韶護勛舊錫貝勒屏藩任都護宗支韡棨華陪
臣綴鵷鷺居所衆星共朝宗百川赴阊念文武賢永慶河
山固彌茲大政殿孔綏福 皇祚

右御殿受朝第九

四臣佐帝魁六相輔后軒咎繇爰配夏仲虺亦祀汾 眞
人起東方虎臣竝榆枌佐命異姓王褒勅豐碑踴矯矯費

與額史冊書忠勤秉精應列宿感遇遭風雲興唐英衛侶
翊漢蕭曹羣大烝祭功宗奠醑邀殊恩曰若春前烈兼以
勗後昆 三陵近瞻依美哉開國勛

右祭功臣墓第十

射圃平原開旌門芳甸啓飛英麗芝蓋羽衛蕭蘭綺七萃
龍彪羣八校虎貔士竝耀玉虎盧兢飾金鞞鞞四尺挹婁
弓三成蕭愼矢體直足觀德志釋爰比禮鵠遠繪雲麗魚
貫流星駛徹札嫻本務貫革矜長技尙方山金貂徒旅健
蒼兕赳赳盡干城一笑 天顏喜

右吉林觀射第十一

皇輿大無外正朔通遐陬舊都根本地翊戴皆藩侯白雲

十八部高麗四十州王會列寅階帝車拱辰旂龍節聲教
達雁臣職貢修左海獻冰蠶右率列統牛周書紀基幣商
頌懼其球款洽恩禮篤軫卹德意周天威重鎮撫遠人沐
懷柔采菽答魚藻萬福咸來求

右綏藩第十二

雲縵鳳皇城日麗駕燕瓦幔城設周阿帳殿開廣廈需雲
占中爻湛露掩羣雅玉牒卓鄴郇金符重耿賈樂章譜西
京藩翰寄東夏珍厨千品豐饌醴萬鍾瀉恩寵及章服便
蕃逮車馬稷洛羣情悅宴綺皇心寫行蓬篤忠厚旣醉被
純嘏天保祝九如更晉萬年聲

右賜宴第十三

六輔辟路經三省郵程肅父老望翠華秀髦捧瑤轂宸衷
厯耕斂皇澤予給復女布軫機杼男錢免確磳紫綵萬口
傳丹詔十行讀靈藹甘露滋潤澤時雨霖秋成樂芸生春
祺膏蔕屋幃童有慶色壤叟欣鼓腹桐茂萬物盛棣通百
昌沃欽滋建有極斂時敷五福

石繩祖第十四

夏彥述遊豫周易卜交泰阮幸大禮成復此湛恩霈上賞
黃金貂錫類寵盤帶內府出文綺中使頒鏐珮翠墨煥三
錫黃封榮十寶珪瓚覲龍光弓矢揚虎拜旣徧鷺序班兼
逮虎賁隊德意周上下歡聲達中外亘地沾汜濩敷天仰
裒對在位昭式序周頌賡時邁

石賞齋第十五

禮成萬祥備恩洽百福駢龍旗日馭轉鸞輅星樞旋根本
念祖訓河山入睿篇書牘史臣記上陵樂府傳神聖邁
千禩謳歌榆八埏蘭檢錫曼羨羅圖集洪延玉壤颺和風
瓊鉞迴祥煙八神肅豹尾萬歲瞻龍顏孝德光時載盛治
齊皞皞小臣效嘉頌於鑠昭億年

右回轡第十六

題蘭英碑

蘭英明廣寧州軍也黑山之戰主將馬中流矢蘭
英易馬以生主將而死綏馬守官李貴勒石其墓
繫哀詞焉余讀其碑而弔之

北斗闌干夜吹角重圍四合渾河山黑雲壓陣驚沙飛將軍戰馬矢在月健兒刺籍充邊兵養馬長隸將軍營將軍馬死士卒散健兒一馬猶驍騰一馬雖存不兩濟失馬則死得馬生壯士橫草分應得徒步張容尙驚敵將軍生還健兒死青天無光日無色一坏藁葬革裹屍邊風颯颯吹靈旗夕陽繫馬黑山樹行人來讀蘭英碑

雙島行

畫旗照海軍威振將軍坐非平遼印健兒十萬守東江雙島居然作雄鎮當年雄鎮數何人毛珩軍聲萬里聞甲馬夜騰遼海月弓刀寒透雪山雲乘機牽掣頻年戌內主無人還自懼參貂繹絡走橫門書幣殷勤通要路隱然海外

作長城公等紛紛解論兵朝議祇知憂賊臣督師未免忌
威名帳中伏甲輕相襲縛虎居然如此急罪狀分明事付
無海上愁雲鬼雄泣從此應增東顧憂劉陳王沈盡庸淺
滅兵增餉知何意不信籌邊說善謀君不聞軍中況奉慈
闈訓專戮無端幾起釁雙劍前驅典自豪賢母甘心陷衰
鬢又不聞江左虛聲一布衣妄譚能使相公疑微言早制
英雄命魏恨悲歌事已非吁嗟乎文武相傾事同病積威
尊獨將軍橫舊部分膺賸幾人愛妾淒涼更四姓轉眼龍
關大敞來滿朝讒口鳩爲媒可憐謀國無全策日暮還爲
東莞哀

遼瀋后妝臺遺趾和桂香東宮舊芳

迴文殘礎問蕭家仙館臨潢記夢華黛影祇今嬌塞柳生
顏當日麗宮花妙鬢隱翠消遊雨珠鎖埋香散海霞惟有
白狼河上月鏡臺曾與照盤鴉

芳亭銅輦署仙遊戴勝人歸夢亦休西雁晚風橫帳冷東
華春雨上京愁紫蒙草長迴心院碧血苔深斷腕樓曾向
花園弔芳鈿兔葵燕麥不勝秋

燕支兒女唱羅袈闍掃新妝最出羣翠帳自臨遙輦部繡
旗人擁屬珊軍金蓮水淨晨窺影木葉山高暮化雲莫向
廣寒問消息金源遺事不堪聞

殘照關山映額黃銀貂溫輭鈿蟬涼內家自結靈蛇髻傾
國曾憐墮馬妝尙有野花迷蛺蝶更無殘灤問鴛鴦銀箏

翠被消沉盡惆悵新詞譜十香

都下遇陶四季壽感賦

與子湖干別梅花澹晚煙萍蓬同萬里風雨各三年蠶粉
圍屏墨蛛絲寶瑟絃因君念予季衍草已芊芊

中秋寒甚對月有懷

一夜天風落葉乾西山微雪山林端祇愁鳴綠江頭月更
比瓊樓玉宇寒

黑龍江將軍進白雉歌

嘉慶十年歲在乙丑 聖駕東巡盛京恭謁 祖
陵展孝思篤成憲盛典具舉六飛言旋越四月黑
龍江將軍觀明奏言十月六日 皇上萬壽聖節

有白雉見於所屬他哈爾站地方毛羽純潔飲啄
馴擾萬衆觀歎咸謂聖孝之應謹隨摺奏進者中
朝士大夫咸爲歌頌小臣文述不揣樸昧謹賦七

言古詩一章以紀

長白山高闔門闔分流鳴綠及混同一支遠出自爲瀆江
流浩浩成一龍朱果孕靈神鵲集本朝王業基於東鼎
湖弓劒瑞榆蔭上陵大典列聖崇我皇仁孝越前古
述祖憲考殷宸衷御宇十載大化洽三省肅靖消
兵戎東巡敷土上儀舉千乘萬騎聲隆隆崇壇饗格秩羣
祀東侯朝覲咸率從功宗昭奠藩服賜蠲租給復民氣充
糠燈鹿椅示永久豈效漢祖歌大風禮成言旋翠華莅

蘭檢曼羨蘿圖洪良月吉日 天萬壽萬物歌舞權叟童
龍江將軍書奏進云有白雉毛羽豐飛翔不驚飲啄擾萬
口頌歎喧囂囂僉曰 天子隆大孝篤生上瑞昭 皇躬
旣彰 聖孝益 聖壽千秋萬歲如呼嵩材官遠道貢天
闕守護曾不勞置蠶天山片雪斂修翮珠玉所照明雙瞳
不言嘉瑞本家法 聖心彌復殷謙冲毓之靈罔飽玉粒
仙園福海春和融白魚躍舟紀周德白麟入贊彰漢功我
皇德盛致白雉圖寫瑞應瞻昊穹 聖人之仁及胎卵
鳳皇會見棲梧桐小臣作詩效班固鑄之寶鼎垂辟雍

青霞女子行

青霞女子青霞室中客應女也明思陵不欲多宮

寵每有淑選可承侍者於乾清宮傍室更名青霞
令雜居室中名女子賊入宮女子共奔入乾西闔
戶自焚死

漆燈冷照揚州月宮中別起青霞室青霞女子豔如霞妙
選良家入內家絳紗繫臂銜恩重待年未入君王夢君王
宵旰不知歡那得樽前帶笑看九門鎖啓弓刀入紅棠花
落啼鵲泣女心玉潔氣蘭薰闔戶乾西一炬焚白骨飛灰
不成土軒軒靈氣仍霞舉地下還應奉至尊玉魚金盃叩
芳魂殉君更有嬋娟子玉河一片清冷水自或入宮宮人
赴玉河
段水死
幾氏二百餘人

太湖上對月

城隅風定息微瀾三五疎星浸夜殘鄰巷蓬聲迴水間僧
樓燈影出林端懷人玉帳龍沙遠落葉金溝鳳闕寒一片
太平湖上月年時記取踏冰看

書西藏大詔寺唐蕃甥舅聯盟碑拓本後

碑爲唐德宗時建在西藏大詔寺門外寺建自唐
時西向周圍起樓閣屋瓦皆飾以金中塑佛目覺
釋伽摩尼云自唐初侍公主來藏年十二成佛或
云鑄自中國左廊有唐公主暨吐蕃贊普及白布
國王女象東南隅有白喇末殿廊壁繪唐元奘師
弟求經像并尉遲敬德鎮邊軍器皆沿襲碑官所
紀碑側古柳二株相傳唐時所植詔譯言如來也

又有小詔寺在大詔之北半里許中塑佛曰珠多
吉云覺釋伽摩尼之弟八齡成佛或云卽唐公主
肉身又穆宗時盟碑亦在大詔寺門外卽長慶碑
見齊次風西藏諸水考注

卑禾舊說西荒地金塔高寒傳古寺明燈尙照漢宮妝殘
碑猶勒唐朝字唐朝闢地盡河湟西接岷洮萬里長鹿馬
嶺頭沙似雪雅龍江外月如霜金箭合符驅萬馬年年鏖
戰蘭山下有人鐵柱立滇池誰憐白骨埋荒野憶昔開元
全盛年威行瀚海勒燕然上書願作天家婿遠慕文明陋
毳旃黃金鑄蓋珠成琲祇有蕭笳無仗鐙貴主金輿駐別
宮名王玉冊封西海樂工小部給邇茲又是金城下嫁期

鳳池增別王姬里鵲駕催妝學士詩自從中外聯姻眷百
年戎馬銷征戰蕃部應無銀鶴馳陪臣長奉金鵝獻居然
罷屬易綃紈也識中原可汗尊侍子橫經窺慣壁文儒典
表度崑崙水繞河西環九曲愛女區區錫湯沐武階一戰
卻臨洮神龍舊誓書空讀何日邊陲息遠征甘松互市約
初成唐蕃將相書名姓清水登壇續舊盟堅金石期長
久立石如山字如斗祇因文武少英雄遂令夷夏成甥舅
昂首靈鼉傍寺門寺中金殿擁花屏弓輦鳳縷摹銅像撒
手東波拜可敦經文舊出元奘譯四僧圖繪陰廊壁白馬
當年此地來沙度繩行盡經厯門庭東向爲思親小詔規
模亦鼎新畢竟華人成佛易西來髻亂盡歸眞閨日編年

占甲子測驗多出袁李蕭選毛詩盡匪頒窮荒漸被華
風矣祇是和親賢可憐空稱聲教被祁連頻將玉女傾城
色遠靖金戈絕塞天君不見燕國當年降回紇更有契丹
兼突厥有唐一代總憂邊南朝金粉悲花月又不見悲歌
黃鶴怨烏孫青冢琵琶塞草春多事漢家先作俑千秋遺
恨奉春君吁嗟乎赤嶺碑空壓山阜長慶碑今亦無有唐舊
唐景龍十八年吐蕃使名悉腊入朝使御史大夫崔琳報
聘仍於赤嶺各豎分界之碑二十二年遣將軍李佺於赤
嶺與吐蕃此聯盟字數行陸海雪山同不朽寺前楊柳
尚垂絲曾見穹碑初建時春到玉關知較晚天山四月作
花飛 本朝功烈超前古開基首紀西戎敘歸命曾聞崇
德年同領人天作施主選佛金瓶仗 帝慈三番截定仰

天威河源萬里輝 宸翰拔姬宮前第幾碑

雲繪閣詩同查伯葵作

有序

昔參軍讌客開辟疆之園衛公退朝記平泉之石
寄情煙霞航趣流峙賢者襟抱古今所同雲繪閣
者孫古雲襲伯邸第之東園也烏衣門巷嘉木蔭
於九衢韋曲別墅廣庭啓其萬頃華閨軒翥洞房
繚曲靈鷲翔於奇壘新雉敷於仄徑洵可以臨眺
適志登覽娛懷昔君祖文靖公勳懋疆場績紀史
宸懋林所載百一著其清名鈐韜之祕三六富其
家學君綺歲登朝便直明光之宮庚邨扈 蹕屢
從屬車之役而安仁守拙恆奉板輿史遷著書先

聚圖籍潤丹青於畫螺辨彝鼎於史籀多材多藝
不伐不矜若其傾衿禮士巾綈紵之歡書紳記言
作絃韋之佩冲襟篤誼足式浮薄僕旅食京華浪
蹟人海將謂願爲掃徑陳蕃殷其懸榻文貌之恭
無間褻燕昆弟之誼等於骨肉絃詩讀畫可以永
夕適館授餐於此經歲時海昌查伯葵廣陵朱素
人丹徒嚴麗生同在賓館楊蓉裳農部張船山侍
御法梧門學士亦屢相過從端居多暇酬唱遂多
因付楮墨以志情事昔子建公讌放志於飄飄右
軍修契託懷於聚散後之覽者能無感歎

蒼蒼珍木鬱名園灑落軒窗岸幘看晨露乍流銅視潤晚

煙徐起石琴寒金溝水暗迴花徑玉帳山高捲畫闌記取

太平湖上路有人他日問詩壇

園在宣武門內
太平湖之西

樂府曾歌和府蓮梁園又見璧吟箋吹笙夢醒華燈夜縱
酒寒銷紫闕天東閣應對俱抗手南朝王謝並隨肩當筵
意氣清狂甚雙鬢回頭惜少年

曾冠班行直紫霄相門才子麗金貂未酬壯志標銅柱自
譜閒情付玉簫悟到升沉歌小海歷殘消長送春潮瀛臺
近接西華路御柳宮鴉夢早朝

清闕琳琅有別裁從容宦隱樂無涯一雨星月香姜閣四
壁煙雲寶晉齋堂上羞蘭詩待補山中叢桂賦應佳賜
書夜靜鐙鐙讀金脈屏風倚紫釵

相國勛勞紀史臣論兵一疏墨猶新雄邊節鉞留金馬故
里松楸感石麟終見越南歸版籍祇今楚北靖風塵殘纈
澹墨軍書暇編到遺詩倍愴神

入洛文章命不齊中年豪氣減虹霓青衫落魄瑤琴碎紅
袖憐才璧月題春雨盡梁留燕宿秋風老樹借烏棲煙江
已有歸帆約鴻爪畱連感雪泥

同作

查 揆

城南韋杜聽鳴珂薛曲年年醉綺羅宰相平泉誰作記
眞靈位業豈傳謠善才法曲琵琶錄神武高涼勅勒歌
解話茂陵舊時事貞元朝士竟如何

殷雷九陌紫鸞車珠箔承塵玉辟邪箏篴簾櫳紫讓里

鶯花門巷總持家調鷹北地秋初到說餅棗堂歲更賒
省憶西川嚴節度平涼鼓吹下褒斜

昆侖星宿版圖收七十登壇老益州此夕朋簪幾輔重
舊時笳鼓塞垣愁弓刀小社英雄傳鰕菜平生戶牖侯
失喜未將東閣閉江南詞賦總依劉

黃金屈戍玉交枝不分微之又收之日下有人成薄宦
坐中此客擅微辭外孫藩曰曹娥廟小妹青溪蔣帝祠
僥倖南朝徐孝穆含毫序得玉臺詩

爛醉蒲桃三百杯短衣落日晾鷹臺便思邗上抽帆去
曾向遼陽絕徼回北苑傳衣輕馬夏後堂文讌狎鄒枚
如何曹霸丹青手不貌凌煙上相來

鄉心不斷廣陵潮
朱邸分明近絳霄
戲下定傳都尉箭
殿前曾插侍中貂
畫屏六曲歌聲細
銀戟雙行燭影遙
如此星辰如此夜
梁園賓客總魂消

顧道韋詩選卷五